

**ANG****Bayan**

Pahayagan ng Partido Komunista ng Pilipinas
Pinapatnubayan ng Marxismo-Leninismo-Maoismo


Edisyong Hiligaynon
Tuig XXXVI No. 18
Septiyembre 21, 2005
www.philippinerevolution.org

Editorial

Ilunsar ang mga taktikal na opensiba sa bilog nga pungsod



Nakahanda kag lubos ang determinasyon sang Bag-ong Hangaway sang Banwa (BHB) nga maglunsar sang mga taktikal nga opensiba sa bilog nga kapuluan bilang nagakadapat nga sabat sa nagalala nga krisis sa pagginahum sang pasista kag nagapabudlay nga rehimeng Arroyo. Ang paglunsar sang taktikal nga opensiba ang sabat sa mabaskog nga demanda sang pumuluyong Pilipino kag pagsuporta sa ila panawagan kag paghulag sa karsada para sa pagpatalsik kay Gloria Arroyo.



Katuyuan sang mga taktikal nga opensiba sang BHB ang maghatag sing mabaskog nga bunal agud ipakita ang sobra nga kaakig kag pagkangil-ad sang pumuluyong Pilipino sa kontra-pumuluyo, maki-dumuluong kag mapiguson nga rehimen.

Labaw ang pagkahamulag sang rehimeng Arroyo sa pumuluyong Pilipino. Wala ini nga angkon sa ng supor- ta sang pumuluyo sa atubang sang sobra-sobra nga pagpaantos kag pagpamigos sa ila, kag hayagan nga pagpagusa sa korapsyon sang

pamilyang Arroyo kag mga kamping sini. Nagapabilin na lang ini sa poder dahil sa makitid nga suporta sang gubyernong US, matag-as nga upisyal sang militar kag pulisya, pila ka masupog nga militarista, kleriko-pasista kag bayarang myembro sa kabinete. Nakakuha pa ini sang suporta sang kadam-an nga kongresista kag mga lokal nga upisyal sang gubyrno pero kabaylo man sang daku nga kantidad pangsuhol kag premyo sa porma sang mga proyekto, mataas nga pusisyon para sa mga paryente kag iban pang pabor.

Tuman kaluya kag kahuyang na sang rehimeng Arroyo. Ang paglunsar sang mga taktikal nga opensiba sang BHB pagsuporta sa kabilugan nga pagtinguha sang pumuluyo agud pukanon

**Mga tampok
sa isyu nga ini...**

**Pagpanuhol ni Arroyo
sa Kongreso**
PAHINA 5

**Resulta sang sugilanon
sa Oslo, gintiko**
PAHINA 7

**Gaza: Pinakadaku nga
bilangguan sa kalibutan**
PAHINA 11

Sa paglunsar sang mga taktikal nga opensi- ba, katuyuan sang BHB nga pahinaon ang ikasarang sang rehimen nga gamiton ang mga pasistang mersenaryong suldado kag pulisya agud tapnaon ang paghulag sang pumuluyo sa karsada.


ang nagakiya-kiya na nga rehimen kag han-usan ang mga armadong yunit sang AFP kag PNP nga amo pinakapundasyon sang pagginahum sang rehimen Arroyo ukon sang anuman nga reaksyunaryong rehimen.

Muklat ang mga rebolusyonaryong armadong pwersa nga sa subong kinahanglan pa nga magtipon sang bastante nga armadong kusog agud masarangan pukanon ang bilog nga reaksyunaryong nagaharing estado kag sistema sa palaabuton. Sa amo pa man, lubos man nga nahakos sang mga rebolusyonaryong armadong pwersa nga mahimo pukanon ang rehimen Arroyo bilang tagadumala sang subong nga reaksyunaryong sistema. Ang katuyuan nga ini magum sang pumuluyong Pilipino, pangunahon, paagi sa malaparan nga paghulag sang ginatos libo tubtob minilyun-milyon nga pu-

muluyo sa karsada.

Sa paglunsar sang mga taktikal nga opensi-
ba, katuyuan sang BHB nga pahinaon ang ikasarang sang rehimen nga gamiton ang mga pasistang mersenaryong suldado kag pulisya agud tapnaon ang paghulag sang pumuluyo sa karsada.

Katuyuan man sini nga silutan ang rehimen Arroyo sa wala untat, wala pili kag malaparan nga paglapak sa tawhanong kinamatarung, ilabi na sa kaumhan. Sa panahon ni Arroyo, ginatus-gatos nga lider kag aktibista sang mga progresibo kag patriyotikong organisasyong masa, pati mga ordinaryong pumuluyo nga ginadudahan nagasuporta sa rebolusyonaryong kahublagan ang ginatortyur kag ginapatay. Sadto kag ilabi na subong, pangunahong



target sang mga yunit sang BHB ang mga pinakamasupog nga yunit sang AFP kag PNP nga may duguon nga rekord sang paglapas sa tawhanong kinamatarung.

Ang madinalag-on nga taktikal nga opensi-
ba nagahatag man inspirasyon sa pumuluyong Pilipino sa pagpasulong sang ila mga paghimakas para sa makabuhay nga sweldo, pagpanubo sang presyo sang langis kag iban pang balaklon kag serbisyo, dugang nga badyet sa mga serbisyo sosyal, pagtapna sa pagpasilabot sang US kag iban pa nga gilayon nga kinahanglanon nga pagbag-o.

Ang dugang nga pagpasingki sang mga taktikal nga opensi-
ba sang Bag-ong Hangaway sang Banwa sa partikular nga halintang nga ini nakasentro sa pagtipon sang mga kadalag-an para mas madasig nga mapasulong sa masunod nga mas mataas nga halintang sang estratehikong depensi-
ba sang malawigan nga inaway banwa.

Sa katapusan, ang mga sandigan nga problema nga nagahatag sang sobra nga kabudlayan sa pumuluyo malubad lamang paagi sa pagdaug sang demokratikong rebolusyon sang pumuluyo.

Ang kada taktikal na opensi-
ba, ang kada pagsulong sang armadong paghimakas amot sa pagdaug sang rebolusyonaryong kahublagan nga amo ang solo nga makadul-ong sang masanag nga buasdamlag para sa pumuluyong Pilipino.

AB



Tuig XXXVI No. 18 Septyembre 21, 2005

Ang *Ang Bayan* ginabantala sa lengwahe nga Pilipino, Bisaya, Iloko, Hiligaynon, Waray kag Ingles.

Mahimo ini i-download halin sa *Philippine Revolution Web Central* nga makit-an sa:

www.philippinerevolution.org

Nagabaton ang *Ang Bayan* sang mga kontribusyon sa porma sang mga artikulo kag balita. Ginabuyok man ang mga bumalasa nga magpaabot sang mga saway kag rekomendasyon sa ikauswag sang aton pahayagan.

Malab-ot kami paagi sa e-mail sa: angbayan@yahoo.com

Kaundan

Editorial

Ilunsar ang mga taktikal nga opensi-
ba sa bilog nga pungsod 1

Wala sing katawhayan si Arroyo 4

Layi militar sa eskwelahan 5

Makalilingin nga pagpanuhol
ni Arroyo sa kongreso 6

Mga taktikal nga opensi- ba

Mga opensi-
ba sa Quezon 7

Militarisasyon sa Samar 7

Harasment sa Bikol 8

Misencounter sang militar 8

Resulta sa Oslo, gintiko 9

Gaza: Pinakadaku nga bilangguan 11

Limos sa Palestine 12

Ang *Ang Bayan* ginabantala duha ka beses kada bulan sang Komite Sentral sang Partido Komunista sang Pilipinas


Wala sing katawhayan si Arroyo

Lab-ot sa langit ang kalipay ni Gloria Arroyo ma-kaligad ibasura sang iya mga kaalyado sa Kongreso ang reklamo nga *impeachment*. Bangud nga isa ka tuig pa ang hulaton antes liwat ma-kapasaka sing panibag-ong *impeachment* batuk sa iya, bug-os ang buot niya nga magamit niya ang palaso nga ini agud iduso ang mga mapiguson nga tikang para lubos nga waskon ang iya mga ka-away kag tapnaon ang mga pamahug kag paghulag batuk sa iya rehimen.

Sa kamatuoran, sang magdiskurso siya sa atubang sang United Nations Security Council sining Septyembre 12, lubos kahambog nga ginpalig-on niya ang komitment sang iya papet nga rehimen sa “anti-teroristang kampanya” sang gu-byernong Bush, ang paghanda sa paggamit sang kamot nga salsalon kag mga maladiktador nga gahum batuk sa pag-alsa sang banwa kag iban pa nga pamahug sa iya rehimen kag ang pagduso sang Anti-Terrorism Bill.

Pero wala unod kag hingalit gid lang ang nabatyagan niya nga katawhayan. Sa pihak sang pagbasura sang *impeachment*, nagapabilin ang mabug-at nga halambalanon sang pagdinaya sa eleksyon, pagpamuy-ong, paglapak sa tawhanong kinamatarung kag iban pang dalagku nga krimen nga padayon nga ginakalkal sang pumuluyo.

Mismo sa pagtambong ni Arroyo sa pulong sa UN kag sa iban pa niya nga ginkadtuan nga aktibidad sa New York, wala siya ginuntatan sang mga aksyong protesta. Sadtong Septyembre 15, may 100 aktibista sa US ang nagprotesta batuk kay Arroyo sa atubang sang Philippine Consulate. Sa pihak sang harasment sang New York Police Department kag sang mga elemento sang US Secret Service, natublag sang mga nagaprotesta ang garbuso nga *art exhibit* nga gintambungan ni Arroyo sa kabaskog sang ila pagsinggit sang mga islogan



para sa pagpatalsik sa peke nga presidente. Pila sa mga nagtambong sa *art exhibit* nag-upod man sa aksyong protesta.

Antes ini, isa ka pungsodnon na untat-biyahe ang ginlunsar sang PISTON sang Septyembre 12 agud ipamilit ang pagpahalin kay Arroyo kag pamatukan ang wala untat nga pagsaka sa presyo sang langis.

Ginatun-an man subong sang Gloria Step Down Movement kag iban pa nga koalisyong anti-Arroyo ang paghiwat sang direkta nga pangpublikong pagbista kay Arroyo agud ipresentar sa tanan ang malahalona nga ebidensya nga wala mahayag dulot sang pagbasura sa *impeachment*.

Nakatalana man maglunsar liwat ang Bukluran para sa Katotohanan kag Solidarity Movement, pareho nga malapad nga koalisyong anti-Arroyo, sang daku nga rali sa Septyembre 21, ang ika-33 nga anibersaryo sang deklarasyon sang layi militar, agud ibuyagyag kag mabaskog nga pamatu-

kan ang nagaathag nga pasista nga huyog sang rehimen kag ipursiger liwat ang pagpatalsik sini.

Padayon nga nagabilog ang bagyo sang protesta nga magalupok sa kusog sang banwa nga magapatsik kay Arroyo sa poder.

Sa isa ka interbyu sang Septyembre 17, ginsiling ni Renato de Villa, anay hepe sang AFP kag sekretaryo sang depensa, kag *convenor* sang Solidarity Movement, nga pat-ud nga pagasuportahan sang militar kag pulisya, ilabi na sang mga bataon nga upisyal, ang isa ka anti-Arroyo nga pag-alsa sang pumuluyo. Gin-kaakig sang kadam-an nga mga upisyal sang AFP kag PNP ang baraghal nga mga pagmaniobra ni Arroyo agud patyon ang *impeachment*.

May deklarasyon man ang Young Officers' Union-new generation (YO-Ung) nga bangud sa pagpatay ni Arroyo kag iya mga kaalyado sa Kongreso sa *impeachment*, magahulag ang YO-Ung “agud tapuson na ang mahigko nga sistemang pangpulitika” kag magtukod sang isa ka “prinsipyado kag maki-imol nga sistema” nga ginabug-os sang mga tawo nga “tunay nga makabanwa.”

Samtang, sa atubang sang labing pagkahamulag subong ni Arroyo, sang pagtukod sing labi nga ginpalapad nga prenteng anti-Arroyo kag sa nagahana nga paglunsar sang mas daku nga mga paghulag batuk sa rehimen nabuyagyag ang pagpang-espiya kag pagpasilabot sang US sa mga hitabo sa sulod sang pungsod.

Gin-aresto sang US Federal Bureau of Investigation (FBI) sadtong Septyembre 12 si Michael Ray Aquino, anay upisyal sang PNP sa idalum ni

Estrada kag opereytor sang oposisyunistang si Panfilo Lacson, kag ang kaangtanan niya sa sulod sang FBI nga si Leandro Aragoncillo. Gina-akusar sang US sanday Aquino kag Aragoncillo sang iligal nga pagkuha kag pagpadala sang mga sekreto nga dokumento sang FBI. Ang mga dokumento kag impormasyon kuno nga ginpasa sa ila lunsay bunga sang pagpanilag sang FBI sa hulag sang nagkalain-lain nga pwersa pangpulitika sa Pilipinas, lunsay mga yara sa poder kag guwa sa poder. Ginapatihan nga lakip sa mga ginaangutan nanday Aquino sa Pilipinas amo sanday Lacson, Joseph Estrada, Aquilino Pimentel Jr. kag Roilo Golez.

Bangud sa pagbuyagyag sang pagpanilag nga ginahimo sang FBI sa Pilipinas, nangin sentral nga isyu ang pagpaniktik sang gubyernong US sa mga internal nga halambalanon sang pungsod. Ang mga dokumento nga ginpasa nanday Aquino kag Aragoncillo nagaunod sang mga impormasyon nga nagabunal sa rehimeng Arroyo, mga mahimo matabo kag mga implikasyon sini sa gilayon kag pangmalawigan nga interes sang US. Lakip man sa mga topiko ang posibilidad nga maglunsar sang kudeta ang mga disgustadong elemento sang AFP kag PNP batuk kay Arroyo.

Nagbunga ini sang mga paglantaw nga kon ngaa gin-initan sang US sanday Aquino bangud ginpasa nila ang ila nakalap sa oposisyon. Suno kay Satur Ocampo sang Bayan Muna, indi malayo nga ginapaabutan man sang US sang mga datos paniktik ang papet sini nga nakapungko sa Malakanyang agud makapabilin sa poder, indi matam-an sa pagtay-og ang nagaharing sistema kag mapangapinan ang interes sang imperyalismong US.

Nabuyagyag man sining ulihi ang kaluiban sang rehimeng Arroyo sa pungsodnon nga interes sang magtuhaw ang pagdali-dali sini nga makakuha sang suporta kag pondo halin sa gubyernong US para sa padi-

Layi militar sa mga eskwelahan

Mabaskog nga ginpakamalaut sang National Union of Students of the Philippines (NUSP), Anakbayan, Youth Demanding Arroyo's Removal (Youth Dare) kag iban pa nga militanteng organisasyon sang mga estudyante ang ginpagguwa nga *memorandum* sang Department of Education (DepEd) nga direktang nagadumili sa mga estudyante halin elementarya kag hayskul nga mag-entra sa mga rali sa oras sang pag-eskwela kag nagaabiso man sa mga estudyante sa kolehiyo kag manunudlo sa mga paghulag batuk sa rehimeng Arroyo.

Sa kaangot nga balita, ginkundenar man sang mga estudyante ang baraghal nga pagbutang sang rehimen kay Gen. Ricardo de Leon bilang pangulo sang Mindanao State University (MSU). Ang MSU nga makit-an sa Marawi City isa sa mga pinakadaku nga pangpubliko nga unibersidad sa pungsod. Si de Leon, anay *deputy director general* sang PNP, ginbutang nga "temporaryo" nga presidente sang MSU sadtong Septyembre 13 sandig sa rekomendasyon ni National Security Adviser Norberto Gonzales. Kinahanglan kuno si de Leon sa MSU agud sabton ang mga problema pangseguridad tuga sang terorismo kag warlordismo.

Hayagan nga ginalapakan sang rehimen ang mga demokratikong proseso sa sulod sang unibersidad para lamang maipwesto ang ginapaboran sini nga heneral.

Sang magprotesta ang mga manunudlo, estudyante kag ang komunidad sang MSU sa baraghal nga pangpulitika nga basehan sang pagnombrar sa bag-o nga presidente sang unibersidad, ginsabat sila ni de Leon sang kalakasan. Sadtong Septyembre 13, ginmandu ni de Leon ang pagbungkag sa barikada nga gintukod sang mga estudyante para iprotesta ang iya pagkanombrar. Padayon subong ang protesta sang bilog nga komunidad. AB

hut nga *charter change* ukon *cha-cha*. Nagguwa sa masmidya sining katung-anan sang Septyembre nga likom nagkasugot si National Security Adviser Norberto Gonzales sa Venable LLP, isa ka kumpanyang Amerikano nga ginkontrata sang Malakanyang agud buligan ini nga maimpluwensyahan ang matag-as nga upisyal sang US nga pondohan ang cha-cha. Kabaylo sini ang paglibod sang rehimen sang Arroyo sang mga probisyon sa konstitusyon nga lubos magahatag-kahilwayan sa mga dumuluong nga monopolyong kapitalista nga hugakumon ang pungsodnon nga patrimonya sang Pilipinas.

Sa isa ka pahayag, ginsiling ni Gregorio "Ka Roger" Rosal, tagapa-

maba sang PKP nga ang amo nga pagluib ni Arroyo dugang nga basehan para siya patalsikon. "Labi niya nga ginapakita nga wala niya ginatiglawas ang interes sang pumuluong Pilipino kundi iya mga imperyalistang amo."

Bangud sa kabaskog sang pagkamalaut nga gin-ani sang gubyerno diri, napilitan ang rehimeng Arroyo nga ginbale-wala ang kontrata sa Venable. Kadungan sang pagkabuyagyag sang kontrata sa ahen-sya sa US nga ginkuha sang rehimen sang Arroyo sa maluib kag baraghal sini nga pagdali-dali para sa mga pabor halin sa Kongreso kag iban pa nga sanga sang gubyerno sang US. AB

Para patyon ang impeachment

Ang makalilingin nga pagpanuhol ni Arroyo sa Kongreso

Sang maglupok ang iskandalo sa pagdinaya sa eleksyon sang pangulo, gilayon nga nagpahulag si Gloria Arroyo sang dalagkuan nga mga kinawatan nga resorsa agud mapat-ud nga kontrolado niya ang mayorya sa Kongreso. Sa kahadlok nga mapatalsik sa pwesto, wala-tuo nga pagkignegosasyon kag pagpanuhol ang ginhimo ni Arroyo lakip ang iya mga tinawo sa gubyerno.

Kabaylo sang suporta sa manio-bra para patyon ang prosesong *impeachment* sa Kongreso kag makapabilin si Arroyo sa poder ang tinangkas-tangkas nga kwarta, pondo para kuno sa proyekto, pusisyon sa gubyerno para sa mga paryente kag pabor sa negosyo.

Pagcor. Sa umpisa pa lang sang iskandalo nga tuga sang "Hello Garci" tapes, gilayon nga ginpahulag sang Malakanyang si Efraim Genuino, pangunahon nga opereytor ni Miguel "Mike" Arroyo kag tagapangulo sang Philippine Amusement and Gaming Corp. (Pagcor).

Katuwang siya ni Arroyo sa pagtawag sang mga tiglawas sa Kongreso agud tanyagan sila sang kwarta kabaylo sang boto kontra sa *impeachment*. Gilayon man nga nabuyagyag ang iya pagpanagtag sang P200,000 kag promisa nga dugang nga P300,000 kag mga proyekto. May balita nga maabot sa P1 milyon ang ginbaton sang pila ka kongresista.

Kaangot sini, ginbuyagyag sang nagbiya nga sekretaryo sang Department of Education nga si Florencio Abad nga ginbalibaran ni Arroyo ang hingyo sang pila ka myembro sang kabinete nga pahalidon na sa Pagcor si Genuino kag iban pa nga tinawo sang bana sang pangulo.

lo. Sabat ni Arroyo, malahalon si Genuino bangud siya ang "nagaa-reglo sa masmidya kag mga obispo." Kaangot sini, napabalita nga ginaprubahan ni Arroyo ang pagpagguwa sang P12 milyones halin sa Pagcor para mapanagtag sa mga supporter niya sa masmidya.


Road Users Tax. Luwas sa Pagcor, pribadong pondo ang pagbilang ni Arroyo sa Road Users Tax (RUT) nga nakatalana sa pagpakay-o sang mga karsada. Sa baylo sang Department of Budget and Management, ang pondo sang RUT ginaad-

ministrahan sang Road Board nga ginapamunuan sang utod nga pangunahon "dirty tricks operator" ni Arroyo nga si Ronaldo Puno, presidente sang KAMPI nga partido pulitikal ni Arroyo.

Sadtong 2004, gin-urot ni Arroyo ang P2.5 milyones halin sa RUT para sa iya kampanya sa eleksyon. Ginbuhos niya ini sa pakita-tawo nga programa nga "Kalsada Natin, Alagaan Natin" nga gingamit niya bilang libreng promosyon sang iya kandidatura. Maabot sa pila ka pulo ka libo nga manugsilhig sang karsada ang binayran niya agud magsuksuk sang mga T-shirt nga nagapanawagan iboto siya sa eleksyon.

Sining tuig, ginpasaka sa P5.1 bilyones ang badyet sang RUT kag ang katunga sini ang napasa na sa Road Board para sa pagpanuhol ni Ronaldo Puno sa mga tinawo ni Arroyo sa Kongreso kag iban pa nga ginsuhulan nila. Pinakadaku ang nakuha diri nanday Remedios Petilla sang Leyte (P90 milyones), Anthony Miranda sang Isabela (P65 milyones) kag Reynaldo Aquino sang Pampanga (P50 milyones). Nauntat lang ang padayon pagkasipot sang pondo sang magbuyagyag ang suhulay.

Presidential Social Fund. Pondo naman halin sa Presidential Social Fund (PSF) ang ginsuhol ni Arroyo kanday Cong. Antonio Magsaysay Diaz sang ikaduha nga distrito sang Zambales kag Cong. Isidro Real Jr. sang Zamboanga del Sur. Maabot sa P20 milyones ang ginhatag ni Arroyo sa ngalan sang *scholarship* program ni Cong. Diaz.



Agud madisimular ang bayranay, ginpaagi sang pangulo sang magahingapos ang Agosto ang kwarta sa Department of Education (DepEd). May tatlo ka tseke nga nagabalor sang P5 milyones ang kada isa. Halin sa Presidential Management Staff (PMS), ginpaagi sa DepEd ang tseke nga nakapangalan sa A. M. Diaz Scholarship Program nga pribadong institusyon sang pamilyang Magsaysay. Labi nga tumampok ang anomalya sang bawion sang PMS sining Septyembre 9 ang mga tseke makaligad mabulgar sa masmidya ang suhulay.

Sa adlaw mismo sang botohan sa plenaryo para sa report sang Justice Committee sang Kongreso, gintawgan sa telepono sang Malakanyang ang DepEd nahanungod sa P5 milyones nga tseke para naman kay Cong. Real Jr. sang Zamboanga del Sur.

Ginbuyagyag sang isa ka empleyado sang Malakanyang nga madamu nga katulad nga tseke para sa mga kongresista ang ginpaagi sa nagkalain-lain nga ahensya sang gubyerno agud madisimular ang pagpasa sang pondo. Masobra isa ka bilyon ang balor sang PSF nga ginatawag man nga *pork barrel* sang presidente.

North Railway Relocation Project. Hayagan nga gin-ako ni Cong. Pedro Pancho sang Bulacan nga kabaylo sang pagbaliskad niya sa daan pabor sa *impeachment*, nagbaton siya halin sa Malakanyang sang balor P321 milyones nga "diskwento." Ang P321 milyones nga diskwento kuno sa pagabayran sa reloksyon sang mapahalina nga masobra 9,000 pamilya bangud sa Philippine National Railways Modernization and Rehabilitation Program. Pat-ud nga makabenepisyo sing daku si Pancho bangud ginhatag sa iya ang gahum nga magdesisyon kon sanday sin-o ang hatagan diskwento kag sa sini kon kanday sin-o igahatag ukon ibenta ang

mga lote sa reloksyon. Si Bise Pres. Noli de Castro bilang tserman sang Urban Development Coordinating Council ang gintugyanan ni Arroyo para "buligan" si Pancho nga makakuha sang nasambit nga "diskwento." Si Pancho nagpaiway sa adlaw sang botohan sa Kongreso sadtong Agosto 31.

Pagnombrar sang mga paryente sa mga pusisyon sa gubyerno. Walatuo nga gingamit man ni Arroyo ang pagnombrar sang suod nga mga paryente sang mga ginapanuyo niya nga tiglawas sa Kongreso para makuha ang boto nila batuk sa *impeachment*.

Ginpabiya ni Arroyo si Francisco Licuanan III bilang tagapangulo sang Subic Bay Metropolitan Authority (SBMA) para maipwesto didto si Alfredo Antonio bangud ginhi-nyo sang pamilya Magsaysay ang pagpwesto niya sa SBMA.

Gin-atras lamang liwat ni Arroyo ang pagnombrar kay Antonio bangud sa mabaskog nga pagpamatuk ni Sen. Richard Gordon nga madugay man gusto magmentenar sang kontrol sa SBMA. Para patas ang duha ka bahin, nagnombrar na lang liwat si Arroyo sang iban nga tagapangulo sang SBMA.

Para naman makuha ang boto sang tiglawas sang Alif party-list nga si Akmad Tomawis, ginnombrar ni Arroyo ang utod niya nga si Sultan Yahya "Jerry" Tomawis bilang Executive Director sang Office of Muslim Affairs (OMA).


Kag para man makuha ang boto sang tiglawas sang Lanao del Sur nga si Faisah Dumarpa, ginnombrar ni Arroyo ang utod niya nga si Monib Maniri bilang OMA-Bureau of Pilgrimage and Endowment Director.

Para padayon gihapon nga pangapinan siya bisan paano ni Sen. Miriam Santiago, ginnombrar naman ni Arroyo ang iya utod nga si Nenilyn bilang dugang nga myembro sang Commission on Higher Education.

Biyahe. Nag-abot sa P25 milyones ang gingastos ni Arroyo halin sa kaban sang banwa sang gin-upod niya sa miting sa United Nations Security Council (UNSC) sa New York ang 50 *anti-impeachment* nga kongresista kag gobernador. Nagdayon ang mga kongresista sa Hilton Hotel kon sa diin \$500 (P28,000) ang kada adlaw nga renta sa kwarto.

Gin-upod sa biyahe ang mga kongresista bisan wala naman sila sang himuon didto kundi magpamasyar kag magpalakpak sa pagdiskurso ni Arroyo sa atubang sang UNSC. Nangin makahuluya ang ila paghulag nga wala modo kag bangud sini ginsita sila sang *sergeant-at-arms* sang UN bangud sa ila wala sa lugar nga pagpalakpak kag singgitan.

Ang mga nabulgar nga bayranay sa Kongreso pila lang ka pasiplat sa mas madamu pa nga pagpanuhol, pagmaniobra kag negosasyon nga ginhimo sang Pangulo sa pagpamilit nga magpabilin sa pwesto. Makasuluka na sa pihak sang nagalala nga kaimulon sang pumuluho kag nagapabaskog nga reklamo sang banwa para sa mahibal-an ang kamatuoran kag mahatagan-hustisya ang madamu nga mabug-at nga kaso kriminal ni Arroyo, nakalkal ang pagpatuyang sang Pangulo sang binilyun-bilyon halin sa kaban sang banwa para mabalabagan lang ang prosesong *impeachment* batuk sa iya. Ginapakita sang mga ini kon ano kalubha kag kalaut ang naabot sang kagarukan sang rehimeng Arroyo.





Mga taktikal nga opensiba sa Quezon

Madinalag-on nga nabunalan sang Apolonio Mendoza Command (AMC) sang Bag-ong Hangaway sang Banwa-Quezon ang nagaoperasyon nga Reengineered Special Operations Team (RSOT) sang 76th IB sa Barangay San Pedro, Lopez, Quezon sining ika-11 sang Septyembre. Ginsalakay sang pito-katawong yunit sang BHB ang ginakampuhan sang 24 suldado sang RSOT.

Sa unang hugnat pa lang, pila na ang naigo kag nagdinalagan na ang iban pa. Tatlo ka suldado ang namatay gila-yon. Ginlunsar ang pagpangharas bilang pagsilut sa madugo nga rekord sang nasambit nga yunit sa lugar.

Lakip sa ila nga kaso ang pagpatay kay Emmanuel Eseo, isa ka mamumugon kag residente sang barangay, nga ginluthang sang mga militar pila ka oras antes sila salakayon sadtong aga sang Septyembre 11.

Antes ini, anum ka elemento sang militar kag pulisya ang namatay sang ambuson sang AMC ang gintingub nga mga pwersa sang 76th IB kag 416th PNP Provincial Mobile Group sadtong Agosto 23 sa Barangay Villa Nacaob, Lopez, Quezon.

Lima ka adlaw na nga nagaoperasyon ang mga suldado sa lindero sang mga banwa sang Lopez kag Macalelon kag maid-id nga ginabantayan sang AMC nga natabuan nga nakapwesto ditto. Naghulat ini sang kahigayunan nga mawasak ang nahamulag nga yunit sang kaaway kag maday-o malapit sa ila.

Tion nga nakalapit ang 24 nga tropa sang kaaway. Kabahin sila sang tatlo ka seksyon nga pwersa (ukon katumbas sang isa ka gamay nga kumpanya) nga nagalabugay sa lugar. Gilayon nga ginpalukpan sila sang mga Pulang hangaway. Bangud sa pagkakibot, pagkalutos

sundan sa "Quezon...", pahina 8



Militarisasyon sa Northern Samar



MASOBRA 50 pamilya halin sa Sityo Canonghan, Osmena, Palapag sa Northern Samar ang napilitan nga magbakwit sang balikan kaakig sang mga desperadong tropa sang militar matapos ini mag-agum sang kapaslawan sa engkwentro sa isa ka yunit sang BHB sadtong Agosto 25. Bangud sa mabaskog nga pagpamahug sang militar, napilitan man magbakwit ang masobra 30 pamilya halin sa kaingod nga Sityo Cag-anibong. Ginhalughog sang mga militar ang ila mga balay kag ginsunog ang pila ka kagamitan. Ginkawat sang mga ini ang pila ka hayupan kag mga balaligyaon sang ila kooperatiba.

Antes sini, isa ka suldado ang namatay kag pila ang napilasan sang ambuson sang isa ka yunit sang RUC-BHB ang mga elemento sang 63rd IB sa nasambit nga sityo sadtong Agosto 20. Ginambusan ang mga suldado samtang nagalakat ang mga ini padulong sa sentro sang baryo. Baliskad sa ginreport sang militar, wala ni isa nga kaswalti ang mga Pulang hangaway.

Bunga sini, 13 lalaki ang gintipon kag ginpangbakol sang mga tropa sang 63rd IB sa pagpamuno ni 2Lt. Gilbert Denzo. Isa ka menor-de-edad ang pwersa ang pilit nga gin-upod sang militar sa ila operasyon. Ginhalughog sang mga tropa nga ini ang mga balay sang duha ka kagawad sang barangay nga ginaakusahan nga kadampig sang BHB. Isa ka babaye ang nahulugan kag isa pa ang nalipong bangud sa sobrang pamahug sang kaaway.



Mga operasyon nga harasment sa Bikol

SIYAM nga suldao ang napatay kag duha ang napilasan sa sunod-sunod nga harasment sang Bag-ong Hangaway sang Banwa sa Albay kag Camarines Sur sadtong Agosto batuk sa nagaoperasyon nga mga tropa sang kaaway.

Gin-ambusan sang isa ka tim sang BHB sadtong Agosto 18 ang nagaoperasyon nga mga tropa sang 42nd IB sa Barangay Salvacion, Pasacao, Camarines Sur. Napatay ang isa ka korporal sa inaway.

Duha ka adlaw antes sini, duha ka suldao sag 31st IB ang napatay sa ginhimo nga harasment sang isa ka tim sang BHB sa Barangay Mangkawayan, Lupi, Camarines Sur. Wala bisan isa ka kaswalti sa kubay sang mga Pulang gerilya.

Sadtong ikaduha nga simana sang Agosto naman, gingamu sang isa ka tim sang BHB ang hedkwarters sang 7th Scout ranger Coy (SRC) sa Barangay Anislag, Daraga, Albay. Tatlo ka militar ang napilasan.



Sa Albay gihapon, napatay ang duha ka suldao sa idalum sang 901st Brigade HQ, nga nakabase sa Camp Villa Hermosa, Daraga sa harasment nga ginhimo sang BHB sadtong Agosto 3.

Bag-o ini, ginsilutan sadtong Agosto 2 sanday Sgt. Liberato Bustillo sang LSN 9th ID sang Philippine Army kag Pfc. Jun Casimiro, mga ahente sang paniktik nga nadestino

sa alkalde sang Pio Duran, Albay.

Apat ka elemento sang 7th SRC ang napatay sang tuyuon nila nga salakayon ang isa ka iskward sang BHB sadtong ikaduha nga simana sang Agosto sa Barangay Catomag, Guinobatan, Albay. Isa ka Pulang hangaway ang nagbuhis sang kabuhi sa inaway.

Sa daku nga kaakig sang mga pasistang kaaway, apat ka mangunguma ang ila gindakup, ginbakol kag ginhunong. **AB**

Mga misencounter sang militar sa Bikol

GINBALITA sa radyo, telebisyon kag pahayagan nga ginsalakay kuno sang Bag-ong Hangaway sang Banwa (BHB) sadtong Agosto 25 ang isa ka *cell site* sang Globe sa Sorsogon City. Suno sa report sang pulisya, ginpangluthang kuno sang mga katapu sang BHB ang *cell site* bangud nagabalibad sa pagbayad sang rebusyonaryong buwis.

Suno pa sa report, madasig kuno nga rumesponder ang mga tropa sang Philippine Army, pero kinulabospalad nga napatyan sila sang isa ka suldao samtang ginalagas ang nagapalagyo na mga Pulang hangaway.

Ang matuod, mga suldao mismo sang Philippine Army ang nag-away-away tubtub naglab-ot ini sa pagluthangana ng nila kag pagkapatay sang isa sa ila. Agud tabunan ang madugo nga hitabo, ginpagguwa sang militar ang himuhimo nga sugilanon nga gin-atake sang BHB ang *cell site* sang Globe. **AB**



"Quezon...", halin sa pahina 7

sa maniobra kag pagkadusdos sa indi paborableng tereyn, nagbuluglag ang kubay sang kaaway.

Naglawig nang halos duha ka oras ang inaway. Sa sobra nga kulba, wala makasuporta sa kaupdanang nila nga napaaway ang duha pa ka seksyon sang nagaoperasyon nga kaaway. Luwas sa anum nga napatay, madamu pang iba ang napilasan kag ang kadam-an sang iban nagpinalagyo. Nasaksihan sang mga tagabaryo kon paano ang

tatlo ka tropa sang kaaway nga nagbilin sang ila mga armas, naguba sang uniporme, kag halos isa ka oras nga nagdalagan padulong sa karsada. Wala na nakaabot sa inaway ang ginpareimpors nga duha ka MG-520 kag duha pa ka Huey nga helikopter.

Matapos ang inaway, matawhay nga nag-atras ang mga Pulang hangaway. May duha ka gerilya nga indi grabe nga napilasan.

Ginkalipay sang pumuluyo sa lugar ang natabo. Antes ini, iligal nga

nanghalughog ang mga suldao sang 76th IB sadtong Agosto 5 sa balay sang magtiayon Arnel kag Evelyn Palmero sang Barangay Hermosa, Macalelon. Ginkumpiska sang mga suldao ang titulo sang magasawa sa ila kaniyugan, kasulatan sa pagpanag-iyang sang kabayo kag kwarta nga nagabalor sang P7,000.

Sadto naman nga Agosto 18, iligal nga ginhalughog sang mga elemento sang 76th IB ang balay sang pamilya ni Danilo Rodriguez sa Barangay San Jose, Macalelon. **AB**

Resulta sang sugilanon sa Oslo, gintiko sang GRP

Halin Agosto 28 tubtub 30, ginhiwat sa Oslo, Norway ang impormal nga sugilanon sa tunga sang NDFP kag Gubyerno sang Republika sang Pilipinas (GRP) sa imbitasyon sang gubyerno sang Norway. Nakapungko diri ang mga tagapatunga halin sa gubyerno sang Norway.

Nagbukas ang NDFP sa impormal nga pagsugilanon nga ini agud athagon ang pila ka halambalanon nga nagluntad matapos ang ikatlo nga impormal nga sugilanon sa Oslo sadtong nagligad nga tuig. Gusto man sang NDFP nga himuon nga upisyal ang borador sang mga suhestyon kag sulat sini sa GRP para sa pagpadasig sang proseso pangkalinungan.

Nagpasugot ang NDFP sa suhestyon sang mga tiglawas halin sa guberno sang Norway nga himuon nga adyenda ang paglatag sang mga tikang kag basehan para sa liwat nga pagbukas sang pormal nga sugilanon. Ginsabat ini sang rehimeng Arroyo paagi sa pagpadala sa Oslo kay Rene Sarmiento, Presidential Adviser on the Peace Process kag iya mga tinawo.

Antes sini, ginpakamalaut sang NDFP ang GRP sa padayon sini nga pagpamalibad nga ipatuman ang mga kasugtanan sa nagligad, lakip ang mga pinakaulihi nga kasugtanan sa Oslo sadtong Pebrero kag Abril 2004. Ginpahayag sang NDFP nga kon indi tauron sang GRP ang nasambit nga mga kasugtanan, hulation na lang sini ang bag-o nga rehimen ilabi na "nga indi na magdugay ang subong nga rehimeng Arroyo. Ginkundenar man sang NDFP ang pagsuspender sang GRP sa Joint Agreement on Safety and Immunity Guarantees (JASIG ukon Tingub nga

Kasugtanan nga Naga-garantiya sa Kahilwayan kag Imunidad) kag ang pamahug nga pag-aresto sa mga partisipante kag konsultant sang NDFP sa sugilanon pangkalinungan bilang reaksyon sang GRP sa pagtalikod na kuno sang NDFP sa proseso pangkalinungan.


Gin-athag sang NDFP nga indi balido kag sa baylo isa ka paglapas sa mga kasugtanan ang pagsuspendir sang GRP sa JASIG bangud ang temporaryo ginsuspendir lang sang NDFP amo ang pormal nga sugilanon. Siling sang NDFP nga handa ini nga padayunon ang pagpakigsugilanon sa gubyerno, sin-o man ang nagapungko diri, basta mapatuman lang sang GRP ang mga nahisugtan sa mga daan nga kasugtanan. Suno pa sa NDFP, wala naman naputol ang mga impormal nga sugilanon.

Sa bisperas sang impormal nga sugilanon, nagplatar man ang pungsodnon nga konseho sang NDFP sang panugyan nga kasugtanan para mapadasig ang proseso pangkalinungan padulong sa gilayon nga pagtapos sang gera sibil kag pagluntad sang kalinungan sa pungsod. Ang nasambit nga panugyan nga ginatiguluhan Concise Agreement for an Immediate and Just Peace (CAIJP) ukon Malip-ot nga Kasugtanan para

sa Gilayon kag Matarung nga Kalinungan) napresentar sa Gubyerno sang Republika sang Pilipinas kag mahimo sabton sang rehimeng Arroyo ukon sang bag-o nga rehimen nga magabulos diri.

Ang CAIJP ang sabat sang NDFP sa madugay na nga ginasuhestyon sang rehimeng Arroyo nga "Final Peace Agreement" ukon Pinal nga Kasugtanan Pangkalinungan) magadasig kuno sa proseso sang pang-angkon sang kalinungan sa pungsod. Indi mabaton tubtub san-o sang PKP-BHB-NDFP ang ginapropener nga FPA sang GRP bangud wala ini sang iban nga unod kundi ang pagpasurender sa mga armas sang rebolusyonaryong pwersa kag pagbale-wala sa mga demanda sang pumuluyo para sa importante nga reporma. Kabaylo sang mga palso nga promisa, ginapamilit sang FPA ang pagpatuman sang wala pulos nga untat-lupok.

Baliskad sa FPA, ginainsister sang CAIJP ang pagtukod sang gubernong koalisyon kon sa diin magapabilin nga independyente kag may nagakaugalingon nga gahum pangpulitika, magapabilin nga bilog kag armado ang mga rebolusyonaryong pwersa. Ginainsister man sini ang gilayon nga



pagpatuman sang mahalalon nga reporma agud lubaron ang mga sandigan nga problema sang pumuluyo kag tapuson ang maki-imperyalista, anti-nasyunal kag kontra-pumuluyo nga oryentasyon kag mga polisiya sang gubyerno. Sa sini nga basehan lamang mapatuman ang isa ka matuod-tuod kag matarung nga untat-lupok.

Sa balayon sang CAIJP, mahimo dungan nga pagasugilanonan sang nagatindog nga *reciprocal committee* ang mga punto nga may kahilabtan sa tagsa-tagsa ka adyenda agud madasig mabilog ang mga paghiliusa sa kada punto.

Ginapromisa sang NDFP na mag-auntat ang gera sibil sa adlaw mismo nga pirmahan lunsay sang prinsipal sang GRP kag NDFP ang CAIJP.

Ginhisugtan sang duha ka bahin sa impormal nga pagsugilanon nga ang proseso pangkalinungan ginabug-usan sang mga pormal kag impormal nga sugilanon kag mga konsultasyon. Wala nagauntat ang sugilanon pangkalinungan bisan ang pormal nga negosasyon suspendido. Sandig diri, gin-ako ni Sarmiento nga indi balido ang pagsuspendir ni Executive Sec. Eduardo Ermita sa JASIG. Naobligar nga bawion ni Ermita sadtong Septyembre 2 ang notice of suspension nga ginsumiter sang GRP sa negotiating panel sa NDFP sadtong Agosto 3.

Upisyal nga ginbaton sang mga tiglawas sang GRP ang isa ka sulat ni NDFP peace panel chairperson Luis Jalandoni kay President Arroyo bilang prinsipal ukon siya ang makadesisyon sa bahin sang GRP. Ginaathag sini ang mga halambalanon nga naggamu bangud sayup kag wala sa lugar nga deklarasyon sang mga upisyal sang kabinete ni Arroyo. Ginpakamalaut sang NDFP ang pilaka upisyal sang kabinete pareho nanday Ermita kag National Sec. Adviser Norberto Gonzales nga nagapostura nga mga “prinsipal” sa bahin sang GRP, samtang wala naman sila sa amo nga kahimtangan.

Naathag sa pagsugilanon nga tub-

10 punto nga kasugtanan

Tukuron ang limpyo kag tampad nga gubyernong koalisyon para sa tunay nga pungsodnon nga kahilwayan kag demokrasya kag batuk sa imperyalistang dominasyon kag kontrol

Tahuron ang mga demokratikong kinamatarung sang masang anak-balhas kag hatagan sila sing nagakaigo nga representasyon sa gubyernong koalisyon

Ipatuman ang pungsodnon nga industriyalisasyon kag reporma sa duta kag pamatukan ang imperyalistang pagpamuyong kag korapsyon sa militar kag burukrasya

Kanselahon ang utang pangluwas kag buhinan ang ginatalana nga badyet para sa militar kag iban pang armadong organisasyon sang GRP

Sakdagon ang patriyotiko, syentipiko kag makimasa nga kultura

Tahuron ang kinamatarung sa kaugalingon-nga-pagdesisyon sang mga pungsodnon nga minorya

Imbestigahon kag bistahon ang mga upisyal sang gubyerno nga may mga kaso sang pagtraidor sa banwa, korapsyon kag paglapas sa tawhanong kinamatarung

Ipatuman ang tunay nga nagakaugalingon nga polisiya pangluwas

tub wala sing direkta nga pagpasugot ang prinsipal nila, ang mga tiglawas sang GRP wala sing gahum nga magsabat sang upisyal sa mga halambalanon kag magdesisyon sa liwat nga pagbukas sang pormal nga sugilanon. Tubtub subong ginahulat gihapon sang NDFP ang sabat ni Arroyo sa mga paabot nga ini. Ginahangkat sang NDFP ang rehimeng Arroyo nga gilayon magpasugot sa ginaplastar nga adyenda agud maanunsyo na sang tagapatunga ang liwat nga pagbukas sang pormal nga sugilanon. Kon magpasugot si Arroyo, gilayon man nga igatalana ang petsa, lugar kag adyenda para sa pagpadayn sang pormal nga sugilanon.

Nagbukas ang *peace panel* sang NDFP nga mahimo sila magpasugot sa maip-ot nga temporaryo nga untat-lupok bilang pagpakita sang maayong-buot sa pagbukas sang pormal nga sugilanon. Pero bangud wala pa sang nalab-ot nga paghiliusa kaangot sa liwat nga pagbukas sang pormal

nga sugilanon, nadulaan man sang kabilanggan ang paghimo sang kasugtanan sang untat-lupok.

Hugot nga ginabilin sang mga tiglawas halin sa gubyerno sang Norway nga likawan ang adelantado kag makahalit nga pahayag sa midya, ilabi na ang bahin sa liwat nga pagbukas sang sugilanon kag sa sugilanon sang untat-lupok.

Sa pihak sini, sa pag-uli gid sang mga tiglawas sang GRP sa pungsod gilayon nga ginlapas ni Sarmiento ang amo nga bilin sang gin-anunsyo niya nga “naghiliusa” ang duha ka bahin nga magabukas liwat ang pormal nga sugilanon sa Oktubre kag may kadungan man ini nga deklarasyon sang untat-lupok. Bangud diri, napilitan ang NDFP na magpagguwa sang pahayag agud ihimutig ang pahayag ni Sarmiento. Ginapagguwa subong sang GRP nga ang NDFP amo ang nagtalikod sa mga ginhisugtan sa impormal nga pagsugilanon sadtong Agosto 28-30. **AB**



Gaza Strip

Pinakadaku nga bilangguan

Ginapabugal sang Israel nga ang paghalin sang mga setler sa Gaza Strip sadtong Septyembre 11 isa kuno nga positibong tikang padulong sa kalinungan sa tunga sini kag sang Palestine. Subong lang ginbuhian sang Israel ang mga ilistarang, ulumhan kag komunidad sang pumuluyo sa Gaza Strip nga sa sulod sang 38 tuig mapintas kag iligal nila nga gin-okupar. Ang Gaza Strip isa lang sa mga teritoryo sang Palestine nga gin-okupar sang Israel halin 1967.

Sadto pa nga isa ka tuig, ginapabugal na sang mga lider sang Israel nga kon bayaan nila ang Gaza Strip, senyal na ini nga dalayon nila nga patyon ang sugilanon pangkalinungan kag paslawon ang pagtukod sang isa ka estadong Palestino.

Sa kamatuoran, pauna nga tikang pa lang ini sa ila padihut nga lubos nga ikulong sa pigado kag sipak-sipak nga mga engklabo ang mga Palestino. Kahimbon ang US, plano sang Israel nga magtukod sang iban pa nga pader pangseguridad agud palibutan ang mga ginkabkab sini nga bahin sang West Bank kag Jerusalem nga labing mas daku kag mas manggaranon sangsa arikutoy nga duta nga nabilin sa mga Palestino. Ginapaguwa subong sang Israel nga areglado kag matawhay na sini nga ginaresolbar ang tuman kadamu nga krimen kag pagpamigos sa mga Palestino sa nagtaliwan nga masobra isa ka siglo.


Pero ang matuod, ang kadutaan sa sulod sang Gaza Strip lang ang ginbayaan sang mga Israeli. Gamay lang nga nahalugan ang mga Palestino sa sulod sang Gaza Strip bangud nabalik sa ila ang mga duta didto nga mahimo na nila liwat matalauma kag patindugan sang ila mga balay. Wala man sa sulod ang Israeli Defense Forces (IDF) nga nagapwersa sa ila.

Pero ang bilog nga lugar ginimo nga pinakadaku nga kulungan kag impyerno para sa 1.4 milyones nga Palestino nga nagaistar diri. Ang tanan nga lindero sang Gaza Strip sa duta, dagat kag kahawaan padayon, kag sa pagkamatuod, mas hugot subong nga ginakontrol sang Israel. Ang masobra 56-kilometros nga haba kag mga pito ka metros kataas nga kudal sa lindero sang Gaza Strip kag israel labi nga ginpabakod sang Israel.

Mas abante ang teknolohiya

pangseguridad sini sangsa kapareho nga pader nga ginatukod sang Israel sa bahin sang West bank. Maid-id ini nga ginagwardyahan halin sa mala tore nga may *remote-controlled* (pwede kontrolon halin sa malayo) nga mga *machine gun*. Kumpleto ini sa mga elektronik nga *warning device* kag mga *video camera* para sa sarbeylans.

Padayon nga ginapalibutan sang mga tropa militar sang Israel ang Gaza. Padayon sila nga nagapatrulya paagi sa *remote-controlled* nga salakyan nga nagalibot sa kudal kag sa kahawaan sang Gaza Strip. Bisan nga daw wala na hurisdiksyon ang Israel sa Gaza, padayon sini nga kontrolon ang Mediterranean Sea nga nagaingod sa nakatundan nga bahin sang Gaza Strip. Hugot nga



ginabawal sang Israel ang mga pantalan nga pwede sudlan kag guwaan sang mga produkto sang Palestine. Indi man sini pagtugutan nga buksan ang internasyunal nga hulugpaan sang Gaza nga ginbomba sang mga eroplano sang Israel.

Nagapabilin nga yara sa kontrol sang Israel ang tanan nga ruta halin sa Gaza, indi lang pakadto sa Israel kundi pati pakadto sa Egypt nga yara sa timog nakatundan sang Gaza. Ang kudal, mga gwardyadong tore kag mga interseksyon sa lindero sang Gaza Strip kag Egypt padayon man nga kontrolon sang Israel kag indi sang Egypt. Magamentenar ang IDF sang mga tropa sa lindero sini.

Utod ang komunikasyon suabong sang mga taga-Gaza Strip sa

iban nga bahin sang Palestine kag sa bilog nga kalibutan. Wala sang Palestino nga pwede magguwa sa Gaza Strip ang indi mag-agi sa tuman kahugot nga pagrekisa sa mga gwardyado nga talabukan.

Sa subong, halos mga mamumugon lamang nga kinahanglan pa sa pila ka proyektong konstruksyon sa Tel Aviv, Ashkelon kag pila pa ka lugar sa Israel ang ginapatabuk. Pero pag-abot sang 2008, wala na sang Palestino nga pahanugutan magtabuk pasulod sa Israel halin sa Gaza Strip.

Ginkundenar sang mga Palestino ang mapaniplang nga paghalin sang Israel sa Gaza. Tuman nga nabasa sang mga Palestino ang matuod nga katuyuan sini nga paluyahon kag tungaon ang pagbatu sang mga armadong grupo nga nagatib-

ong sang kahilwayan para sa Palestine, pareho sang Hamas. Siling nila, ang matuod nga tuyo sang Israel amo ang pagkabkabon ang kadutaan sang mga Palestino, upod na ang West Bank kag East Jerusalem.

Sa atubang sang pagpabugal sang militaristang Israel, padayon nga ginainsister sang mga Palestino ang ila armadong pagbatu agud sa gilayon makadto liwat sa ila kamot ang East Jerusalem, West Bank kag Gaza Strip kag lubos nga mapalayas ang Israel sa ila mga kadutaan.

Maisog nga nanindugan ang mga Palestino nga nagasulong sang armadong pagbatu para sa pungsodnon nga kahilwayan nga indi nila pagbuhian kadungan sang pagpakig-away man sa ligal nga paagi sang Palestinian Authority. **AB**

Limos sa Palestine, premyo para sa Israel

Dugang pa gid nga insulto sa Palestine ang paghatag sang US sa Israel sang \$2.2 bilyones nga ayuda para sa konstruksyon sang mga bag-ong komunidad sang mga naghalin sa Gaza Strip samtang \$200 milyones lang ang natalana nga ayuda sang US sa Palestine Authority para sa pagkumpunir sang mga balay kag imprastruktura nga nawasak sa pagpamomba sang Israel sa Gaza.

Wala ni isa ka sentimo nga ginbayad ang Israel sa pagpanakop kag pagpanghalit sini sa Gaza kag sa kabug-usan sang Palestine.

Sa nagligad nga pila ka dekada, pila ka pulo ka libo nga Palestino ang gintabog sang Israel halin sa ila mga puluy-an sa Gaza Strip. Halin 1967 lang, maabot sa 12,000 nga kabalayan diri ang gindemolis sang mga bulldoser sang Israel. Linibo nga pamilya ang ginkawatan sang mga balay, duta kag mga pa-

nanum. Dugang diri, halin Setyembre 2000 tuhtub Marso 2004, masobra 2,800 ang ginpatay sang mga pwersa sang Israel, lakip ang 527 nga mga bata kag menor de edad kag 308 ang ginsalbeyds.

Sa Gaza Strip, nagadukdukan ang 1.4 milyones nga Palestino sa 360 kilometro kwadrado nga teritoryo. Isa ini sa mga lugar sa kalibutan nga may madamol nga populasyon sa tuman kakitid nga lugar. Diri man ang isa ka pinakadaku nga konsentrasyon sang mga imol sa kalibutan. Mayorya sang populasyon diri nagakita sang mas manubo sangsa minimum nga kantidad nga kinahanglanon para mabuhisang disente ang ila mga pamilya.

Hungod nga ginapunggan ang ekonomya kag pulitika sang mga Palestino sa idalum sang okupasyon sang militaristang Israel. Paagi sa tuman kadamu nga tsek-poynt sang Israeli Defense Forces,

ginakontrol sang Israel ang paghulag sang pumuluyong Palestino. Kinahanglan nila nga mag-agi sa mga ini bisan pakadto lang sa ila mga ulumhan. Halin sadtong 2002 mas labi pa ini nga nangin mabudlay bangud nagtukod sang pader pangseguridad. Ginsara sang mga Israeli ang mga dulungkaan kag ginkontrol ang mga ruta sa duta bangud diri kuno nagaagi ang mga armas kag suplay sang mga armadong militanteng grupo.

Daan na nga ginahatagan sang ayuda nga pagkaon sang World Food Program sang UN ang nagkalisod nga pumuluyo sang Gaza Strip. May katalagman nga mauntat ini bangud sining ulihi, tuhtub Oktubre na lang ang pondo sang WFP (\$1 milyon lang ang halin sa US). Suno sa WFP, nagakinahanglan sang \$80 milyones para sa duha ka tuig pa nga ayudang pagkaon kag bulong sa Gaza Strip. **AB**

**ANG****Bayan**

Pahayagan ng Partido Komunista ng Pilipinas
Pinapatnubayan ng Marxismo-Leninismo-Maoismo

Edisyong Hiligaynon
Tuig XXXVI No. 18
Septiyembre 21, 2005
www.philippinerevolution.org

Editorial

Ilunsar ang mga taktikal na opensiba sa bilog nga pungsod



Nakahanda kag lubos ang determinasyon sang Bag-ong Hangaway sang Banwa (BHB) nga maglunsar sang mga taktikal nga opensiba sa bilog nga kapuluan bi-lang nagakadapat nga sabat sa nagalala nga krisis sa pagginahum sang pasista kag nagapabudlay nga rehimeng Arroyo. Ang paglunsar sang taktikal nga opensiba ang sabat sa mabaskog nga demanda sang pumuluyong Pilipino kag pagsuporta sa ila panawagan kag paghulag sa karsada para sa pagpatalsik kay Gloria Arroyo.

Katuyuan sang mga taktikal nga opensiba sang BHB ang maghatag sing mabaskog nga bunal agud ipakita ang sobra nga kaakig kag pagkangil-ad sang pumuluyong Pilipino sa kontra-pumuluyo, maki-dumuluong kag mapiguson nga rehimen.

Labaw ang pagkahamulag sang rehimeng Arroyo sa pumuluyong Pilipino. Wala ini nga angkon sa ng supor-ta sang pumuluyo sa atubang sang sobra-sobra nga pagpaantos kag pagpamigos sa ila, kag hayagan nga pagpagusa sa korapsyon sang

pamilyang Arroyo kag mga kamping sini. Nagapabilin na lang ini sa poder dahil sa makitid nga suporta sang gubyernong US, matag-as nga upisyal sang militar kag pulisya, pila ka masupog nga militarista, kleriko-pasista kag bayarang myembro sa kabinete. Nakakuha pa ini sang suporta sang kadam-an nga kongresista kag mga lokal nga upisyal sang gubyrno pero kabaylo man sang daku nga kantidad pangsuhol kag premyo sa porma sang mga proyekto, mataas nga pusisyon para sa mga paryente kag iban pang pabor.

Tuman kaluya kag kahayang na sang rehimeng Arroyo. Ang paglunsar sang mga taktikal nga opensiba sang BHB pagsuporta sa kabilugan nga pagtinguha sang pumuluyo agud pukanon

**Mga tampok
sa isyu nga ini...**

**Pagpanuhol ni Arroyo
ng mga boto**
PAHINA 5

**Resulta sang sugilanon
sa Oslo, gintiko**
PAHINA 7

**Gaza: Pinakadaku nga
bilangguan sa kalibu-
tan**
PAHINA 11

Mga instruksyon sa paglilimbag

1. Ang **sinundang pahina**, na eksaktong kopya ng pahina 1 maliban sa mas mapusyaw ang *masthead* o *logo* ay para sa mga gumagamit ng *mimeo machine* o naglilimbag sa paraang *v-type*. Idinisenyo ito para hindi madaling makasira ng istensil.

2. Pag-*print* sa istensil:

- a) Sa *print dialog*, i-check ang **Print as image**
- b) Alisin ang *check* sa **Shrink oversized pages to paper size**
- k) I-click ang **Properties**
- d) I-click ang **Advanced**
- e) Tiyaking naka-set sa **100%** ang **Scaling**
- d) Ituloy ang pag-*print*

3. Hinihikayat ang mga kasama na ipaabot sa panugutan ng *AB* ang anumang problema kaugnay ng paglilimbag sa pamamagitan ng *v-type*. Magpadala ng *email* sa *angba-yan@yahoo.com*